



Икона Божией Матери
«Казанская»

КАНОН ПРЕСВЯТОЙ БОГОРОДИЦЕ ПРЕД ИКОНОЙ «КАЗАНСКАЯ»

Глас 4

Пёснь 1.

Ирмос: *Отвёрзу уста моя, и напóлнятся Дúха, и слóво отрýгну Царýце Мáтери, и явлюся, свётло торжествýя, и воспою, рáдуясь, Тоя чудеса.*

Благоговéют Тí, Богорóдице, áнгелов начáльницы, и святýх чíни чéстно слúжат, прáведнии красúются, небéсных Ходáтаицу блажáт Тя. Кúпно же и земля и нéбо в весéлии свётло восхваля́ют Тя, и мы́, грéшнии, мýлости прóсим: озарí наша сердца́, Влады́чице, воспéти пёснь святýя Твоея́ ико́ны явлéнию.

Приидíte, соберíteся, христоименíтии лю́дие, умы́ та́йно очýстившесе, во святýю цёрковь Мáтере Христá Бóга нáшего: источáет бо нáм неоскúдно от святýя ико́ны истóчник духóвен, целéбен душáм и тéлом, пёснь вопиýщим: благословéн из Тебé рождéйся Бóг наш.

Дивít, Пренепорóчная, и ужаса́ет вся́к слúх стрáнно чúдо божéственного Твоегó Рождества́: ка́ко херувíмскаго Творца́ зачала́ еси́? ка́ко Óгнь нестерпíмый во утробе носíла еси́? ка́ко сýщую Жíзнь плóтию облекла́ еси́ и Живóт всемý мýру родила́ еси́, Бóга кúпно и челове́ка?

Под кро́в Тво́й, Дéво Госпоже́, прибега́ем вси́ рóди челове́чести: просветí ны́ свéтом Рождества́ Твоегó, грéшныя рабы́ Твоя́, моля́щихся прилéжно и клáняющихся пречýстей Твое́й ико́не, прося́ще от Тебé прýти вели́кия мýлости.

Пёснь 3.

Ирмос: *Твоя́ песнослóвцы, Богорóдице, живы́й и незавýстный Истóчнице, лик Себé совокúпльшия, духóвно утвердú, в божéственной Твое́й сла́ве, венцéв сла́вы сподóби.*

Кúю Тí достóйную похвалу́ нáше принесёт конéчное неможéние? Я́ко явлéнием пречýстия Твоея́ божéственной ико́ны незавýстныя истóчники целéбныя источáеши, вёрно прибега́ющим к Тебé рабóм Тво́им.

Божественныя Твоея иконы святое явление, Богородице Деве, яко светозарное возсия нам солнце, преславных чудес лучи пушаючи, тмы лютых обстояний отгоняючи священными Твоими, Владычице, предстательствами.

Исполнила еси благодати иногда первописанную Твою икону, Госпоже Деве Богородице, и ныне та же благодать истинствует сиянием веры чудес, яко тоя ради первописанная, ко спасению верно к Тебе по Бозе прибегающим.

Поклоняемся, Богородице, Твоему пречистому образу и пресладкому Твоему Младенцу, превечному и незаходимому Свету, Христу, Имже спасла еси от лютых зол и тления смертнаго все человеческое естество.

Седален, глас 8.

Божественнии Слова апостоли, Евангелия Христова велегласнии вселенныя благовестницы, божественную церковь создавше в пресвятое Твое имя, Богородице, и к Тебе, Госпоже, приходят, моляще Тя прийти на тоя освящение. Ты же, о Богомати, рекла еси: идите с миром и аз с вами тамо есмь. Они же, шедше, обретают тамо на стене церкви Твоего, Владычице, образа подобие, Божественною писано силою шаровными подобии, и, видевше, поклонишася Ти и прославиша Бога. С нимиже и мы божественней Твоей поклоняемся иконе, просяще от Тебе великия милости: даруй согрешений оставление рабom Твоим, едина Благословенная.

Песнь 4.

Ирмос: *Седяй в славе на Престоле Божества во облаце легце, прииде Иисус Пребожественный, Нетленною Дланию и спасе зовущия: слава, Христе, силе Твоей.*

Почтим, людие, Чистыя в чистоте икону Девы Богородицы и Тоя Божественнаго Младенца, Христа Бога нашего, и лобызаем и прославляем со страхом и трепетом: почитаем бо икону благочестно, паче же почитаем Самую Тую сущую Чистую Богоматерь.

Давид, божественный и чудный пророк, издалеча провидя, глагола: лицу Твоему помолются богати людие. Мы же, вернии, поклоняемся и лобызаем честную икону, душами купно и телесы освящающиеся.

Евангелия Христова богогласный писатель Лука, Божиим мановением всенепорочный Твой написует образ, Богородице, и Младенца Превечнаго на руках Твоих вообразив, к немуже притекающие напастей и бед избавляеши, и вся покрываеши, и спасаеши Твоею милостию.

Ты еси похвало и венец святым всем, о Царице! Ты упование наше и Помощница по Бозе, и на Тя надежду спасения нашего возложим вси. Тебе молимся, яко Божией Матери: ожди грешным рабом Твоим богатыя Твоя душеспасительныя милости.

Песнь 5.

Ирмос: *Ужасошася всяческая о Божественней славе Твоей: Ты бо, неукособрачная Дево, имела еси во утробе над всеми Бога, и родила еси Безлетнаго Сына, всем, воспевающим Тя, мир подавающая.*

Всяко, Пречистая, существо воспети недоумет Тя, паче бо горних умов превозвысилася еси, рождши неприступнаго и страшнаго Всецаря и Бога, но, яко Милостива и скорая человеком Помощница, вонми молению раб Твоих и даруй Твою помощь.

Идеже осенит благодать Твоя, Богородице, страхом исчезают демоны и разрушается злокозненное тех мечтание, бегают души темнии, радуется же верных все множество, Тебе песнь хвалу от сердца вопиюще: радуйся, божественный Покрове душ наших.

Безочесным сладкое зрение дается, глухим слышание, немым благоголение, хромым хождение, прокаженным очищение, демонствуемым целомудрие и в болезнях сущим различных исцеление, осенением Пречистыя Твоея, Богородице, иконы.

Не умолчим никогдаже, Богородице, псалмы и песнями воспевати величия Твоя, Обрадованная: Бога бо воистинну воплотившагося родила еси, во спасение наше всемирное и избавление.

Песнь 6.

Ирмос: *Божественное сие и всечестное совершающе празднество, богомудрии, Богоматере, приидите, руками восплещим, от Нея рождшагося Бога славим.*

Божественнаго Твоего Рождства, Дево Госпоже, пребогатая благодать, юже древле изглашением предала еси пречистому Твоему образу, неоскудне действовать великая же и преславная, во спасение на Тя надеющимся.

Идеже прославляется святое имя Обрадованная Богородицы, тамо всяческих благих источники проливаются; приидите в чистоте, человецы, се бо явление божественныя Девы иконы скажет Царицы пришествие, во спасение всех верных.

Целения болѣзней, отгнание же страстей и душепитательное спасение, грехов прощение и вѣчное избавление от пречистой Твоея иконы, Владычице, верно приходяще, приемлем, Богомати Всенепорочная.

К Тебѣ, Господжѣ, прибегают роди правочерных, просят великия милости и приемлют неоскудно сущии в недужех исцеление, в страстех пременение, в печалех утешение. Источи и мнѣ, Владычице, каплю душеспасительную, да со всеми и аз пою Твое величие.

Кондак, глас 8.

Притецем, людие, к тихому сему и доброму пристанищу, скорой помощнице, готовому и теплomu спасению, покрову Девы, ускорим на молитву и потщимся на покаяние: источает бо нам неоскудныя милости Пречистая Богородица, предваряет на помощь и избавляет от великих бед и зол благочерныя и богобоящияся рабы Своя.

Икос.

Смысл очистивше и ум, притецем к Богородице, светло песнями ублажающе Ю, и пречистую икону Ея прославляем и чтим, и, припадающе, покланяемся яко Самой сущей Оной: честь бо иконы на первообразное восходит, и почитая и покланяясь ей почитает самое первообразное, якоже божественнии отцы рекоща. И аще кто не чтит Пресвятыя Богородицы и не покланяется иконе Ея, анафема да будет: посрамляет бо и погубляет не чтущия ю, избавляет же от великих бед и зол благочерныя и богобоящияся рабы Своя.

Песнь 7.

Ирмос: *Не послужиша твари богомудрии, паче Создавшаго, но, огненное прещение мужески поправше, радовахуся, поюще: препетый отец Господь и Бог, благословен еси.*

Приидите, почерпем отпущение от неистощимаго источника, точащаго святину – Пречистая Девы, и Той Пречистаго Младенца, Божия Слова, нас ради вочеловчашагося. К Немуже возопийм: Творче Избавителю, препрославленный со Отцем и Духом, Боже, благословен еси.

Неусыпную, Чистая, и богоприятную имущи молитву, и непреодолеемую державу крепости, врагов наших дерзость, яже на ны, разори, и вья их под нозе верному Императору нашему низложи, да возвеселимся о Тебѣ, рабы, Сыну Твоему вопиюще: отец наших Боже, благословен еси.

Ра́дуемся и весели́мся, ве́рнии лю́дие, чу́дному явлéнию ико́ны Пречи́стыя Влады́чицы Богоро́дицы, река́ бо яви́ся неисчерпа́ема, целéбную во́ду точа́щи: слепы́м бо ви́дети даéт и глухы́м слы́шание, хромы́м хождéние и все́м сущим в недúзех безмéздное исцелéние.

Неиспы́тана глубина́, недовéдомо та́инство, непостижи́м о́браз, Дéво, зачáтия Твоегó: зачáтие без се́мене, без мýжа рождество́, Безплóтный воплоти́ся, Превéчный младéнствует, Сы́н Бóжий, Сы́н Тебé, Дéвы, бывáет. Емýже вопи́ем: Бóже, благословéн еси́.

Пéснь 8.

Ирмо́с: *Отроки благочестíвыя в пещи́ Рождество́ Богородичо спасло́ е́сть, тогда́ у́бо образу́емое, ны́не же де́йствуемое, вселéнную всю́ воздвизáет пéти Тебé: Гóспода по́йте, дела́, и перевозно́сите Егó во вся́ ве́ки.*

У́м а́нгельский и челове́ческий ужаса́ется, Богороди́це, ка́ко Бóга небéснаго, ложесна́ми объéмши, воплоти́ла еси́? ка́ко, Младéнца рóждши, я́ко Сы́на на руку́ но́сиши? Егóже ужаса́ется тва́рь и трепéщут гóрнии престóли, вопи́юще непреста́нно: Свят, Свят, Свят еси́, Бóже, препéтый и перевозно́симый во ве́ки.

Ра́дуйся, сущая́ ра́досте всегó ми́ра, со архáнгелом Гаври́илом вопи́ем Тí, Богороди́це: ра́дуйся, вместíлище Невместíмаго; ра́дуйся, Благода́тная, носило́ Божества́ всегó; ра́дуйся, Ада́мово воззвáние, с Тобóю Господь, и Тебé ра́ди с нами, спаса́я нас. Егóже по́ем и перевозно́сим во ве́ки.

Кóрень Иессéев освящéнный – кóрень грехá нашего́ истóргнула еси́; жéзл Аарóнов процвётший – Жизнода́теля цвёта израстíвши Христá; ста́мно манноприёмная – смéрти всю́ си́лу сокруши́ла еси́ и в поро́ду жи́зни возвелá еси́ рóд челове́ческий. Тёмже Тя́ по́ем, дóбрых винóвную.

Ты́ похвалá христиáном еси́, Влады́чице, Ты́ ору́жие на враги́ и стена́ к Тебé прибега́ющим. Тя́ и ны́не на по́мощь призывáем, Госпоже́, не да́ждь врагóм вознестíся на лю́ди Твоя́, иже Тебé не хва́лят, ни Сы́на Твоегó, Богороди́це, и Твое́й ико́не не клáняются: сíх победи́ и ду́ши на́ша спаси́.

Пéснь 9.

Ирмо́с: *Вся́к земнорóдный да взыгра́ется, Ду́хом просвещáемь, да торжествует же безплóтных умóв естество́, почита́ющее свящéнное торжество́ Богома́тере, и да вопи́ет: ра́дуйся, Всеблаже́нная Богороди́це, Чíстая Присноде́во.*

Тебé, твёрдую́ по́мощницу рóду челове́ческому, Богороди́це Мари́е, ли́к проро́ческий многообра́зно провозвести́, сень святу́ю, небéс пространней-

шую, скрижаль богописанную и купину неопалимую, дверь богопроходную, гору же и лествицу, и мост, и жезл процветший; мы же воистину Богородицу Тя величаем.

Тайна глубины Рождества Твоего ум ангельский ужасает, Дево, и пречистая икона демоны прогонит, и лица нечестивых омрачает, и в стужу поревает: не терпят бо взирати на силу ея, бегают же и исчезают. Мы же любезно поклоняемся и лобызаем, и Тя, Богородицу, величаем.

Предстательница сущи неотступна к Вышнему Царю, яко имущи матерне дерзновение непотыдно, в мире глубоче православных житие утверди и Благочестиваго Императора нашего возвыси, и вся полезная даруй всегда рабам Твоим, да Тя, Богородице, величаем.

О, Всемилостивая христианом помощнице! Не может Тя воспети достойно ум человеческий и ангельский, яко всея твари честнейши, небесных и земных славейши: всех бо родила еси Творца и Бога. Но, о Владычице! прими милостивно юже Тебе от сердца возложихом песнь, спасай нас всегда, на Тя бо надеемся.

Светилен:

Да почитается Всепетая Мати Божия, жизнь сущую рождши – Христа Бога нашего, райских дверей отвержение, и всего мира очищение, к животу возведение. Сей есть пророком глаголавый, Тому поклонимся, Богу и Спасу душ наших.

Слава, и ныне: Приидите, вернии, с чистотою, возвеличим Пречистыя Матере Бога нашего чудную икону, и Божественнаго Младенца Спаса Христа, Егоже, яко рождающая, на руку носивши, и матерне дерзновение к Немю имущи, непрестанно молит за ны и подаёт рабам Своим богатия милости.